

INDEKS REGISTAR

I UVODNE NAPOMENE

Agencija za razvoj visokog obrazovanja i osiguranje kvaliteta posjeduje informacije iz djelokruga svog rada, većinom u pisanom obliku, u originalu i fotokopiji.

Ovaj Indeks registar, pored opšteg pregleda informacija, po vrstama, koje su pod kontrolom Agencije za razvoj visokog obrazovanja i osiguranje kvaliteta (u daljem tekstu: Agencije), sadrži i osnovne nadležnosti Agencije o kojima posjeduje i odgovarajuće informacije. U Indeks registru naveden je oblik u kojem su informacije na raspolaganju, te podaci gdje se može pristupiti tim informacijama.

Agencija će preduzeti sve potrebne mjere za davanje traženih informacija u cilju ostvarivanja prava iz Zakona o slobodi pristupa informacijama u Bosni i Hercegovini.

II VRSTE INFORMACIJA

Informacije u smislu člana 3. stav 1 Zakona o slobodi pristupa informacijama u Bosni i Hercegovini, izuzev informacija koje imaju karakter lične informacije koja se odnosi na fizička lica, su slijedeće:

- 1) Informacije o primjeni i izvršavanju zakonskih propisa iz djelokruga poslova Agencije,
- 2) Informacije o planiranim i realizovanim sredstvima predviđenim Budžetom institucija Bosne i Hercegovine i međunarodnih obaveza Bosne i Hercegovine,
- 3) Informacije u vezi sa zaposlenim u Agenciji,
- 4) Informacije o opštim aktima koje donosi Agencija (uputstva, instrukcije i naredbe).

Agencija je nadležna za:

- utvrđivanje jasnih, transparentnih i pristupačnih kriterija za akreditaciju visokoškolskih ustanova i donošenje normi kojima se određuju minimalni standardi u oblasti visokog obrazovanja;
- utvrđivanje kriterija za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova;
- davanje preporuka o kriterijima i standardima ministarstvu Republike Srpske, kantonalnim ministarstvima i Brčko Distriktu BiH za osnivanje i zatvaranje visokoškolskih ustanova, te za prestrukturiranje studijskih programa;
- davanje preporuka o kriterijima za licenciranje visokoškolskih ustanova i studijskih programa;
- davanje preporuke o najnižim školarinama za sve studente na akreditiranim visokoškolskim ustanovama, s ciljem usklađivanja najnižih školarina na cijeloj teritoriji Bosne i Hercegovine;

- davanje savjeta o politici rada i razvoja ministarstvu Republike Srpske, kantonalnim ministarstvima i Brčko Distriktu BiH;
- davanje savjeta i informacija o pitanjima iz svoje nadležnosti zainteresiranim strankama;
- utvrđivanje standarda kvaliteta, analizu kvaliteta, davanje preporuka za otklanjanje nedostataka kvalitete studija i visokoškolskih ustanova;
- predstavljanje Bosne i Hercegovine u međunarodnim organizacijama za kvalitet u visokom obrazovanju;
- predlaganje općih smjernica i kriterija na osnovu kojih se iz budžeta institucija BiH mogu dodjeljivati sredstva visokoškolskim ustanovama za naučnoistraživački rad;
- donošenje pravilnika i drugih akata iz svoje nadležnosti.

III PRISTUP INFORMACIJAMA

Informacije pod kontrolom Agencije, dostupne su javnosti na način utvrđen Zakonom o slobodi pristupa informacijama u Bosni i Hercegovini. Pristup informacijama detaljno je opisan u Vodiču o postupku pristupa informacijama Agencije.

IV OBLIK INFORMACIJE

Zavisno od podnesenog zahtjeva, informacija se može dati u vidu kopije postojećeg originalnog dokumenta, u vidu elektronskog zapisa ili u vidu posebno sačinjene informacije sa pozivom na izvor podataka.

IV MJESTO PRISTUPA INFORMACIJAMA

Kancelarija stručnog savjetnika za odnose s javnošću-glasnogovornika u Agenciji je mjesto gdje podnosilac zahtjeva može dobiti informacije o podnesenom zahtjevu, odnosno gdje može pristupiti traženim odobrenim informacijama.

DIREKTOR

Prof.dr sc. Nihad Fejzić